

以冷笑爲樂望眉宇者咸目爲巢父許由

### 程伍喬

達士程伍喬先生夢星江都人也登康熙進士官編修以丁艱歸遂終身不出蓋淡於榮利者也築篠園並漪南別業謳吟偃仰於其中每當竹搖翠雨雲度湖陰便與幽人佳客烹茶啖餅卽景言詩望之者不啻有孤雲笠鶴之象

### 張幻花

達士張奕山先生梁婁縣人也登康熙進士卽退隱西溪築葆閑堂十景備水竹花藥之勝奕山善鼓琴過山水深處及風月佳時安絃動操仙馭爲之停空子姪皆顯貴或勸之出山清要

### 道藏輯要

三丰全集

隱鑑

聖

續畢集七

可立致笑不答也心空及第專務禪修自號幻花道人

### 金壽門

逸士金壽門先生農錢塘布衣也天懷冷峭不與時趨歲晚務閑得人忙我暇之趣嘗於臆月杪出其家釀麴諸鄰翁談笑泛論古今逸民眞高士也中年作汗漫游徧走齊魯燕趙秦晉楚閩而歸嘗願如邈邈道人日行千里又願如玉溪生打鐘掃地作清涼山行者乾隆間寄跡揚州隱於書畫之間

### 李客山

逸士李客山先生果長洲布衣也讀書味道隱於南岡忍饑誦經衡門兩板時或樵薪不繼怡然也嘗云富貴可樂不如神仙

朝市可住不如林泉乾隆間巡撫雅公聞其名訪之邈而不見  
眞吳中高士也

### 趙鷗白

達士趙鷗白先生翼一號甌北字雲松陽湖人也乾隆二十六年探花及第官貴西道以母老乞養遂不復出鷗白休官旣早游屐亦寬嘗游天台雁蕩武夷諸峯灑然有挾仙遨遊之想過貴州福泉山徘徊於禮斗亭中錄打坐歌去晚年飯後行逍遙法遂得年登大耋管領林塘者凡數十年

### 殷果園

逸士殷果園先生如梅元和人也安貧樂道幽節自貞人或訪

### 道藏輯要

三丰全集

隱鑑

巽

續畢集七

之則見曲水一灣衡門兩版在橫橋疎柳間簞瓢屢空自如也嘗題一聯云林卧眞堪忘歲月心閑應不愧神仙余神遊見之直評其爲逸士

### 吳竹橋

達士吳竹橋先生蔚光昭文人也登乾隆進士官禮部主事初入詞館卽改儀曹渴慕烟山復辭華廡向禽之志切箕穎之清深矣嘯傲湖山覃研文史搜奇碑版跌宕琴樽人皆羨其風流吾獨重其高隱

### 羅雨峯

逸士羅雨峯先生聘歙縣布衣也後寄几於楊州嘗受業於壽